

12. juli 2021

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut apeqqut:**

- 1. KNR innuttaasunik kiffartuussinissamut pisussaaffianut (public service pillugu isumaqatigiissut) aallaavigalugu, qanoq annertutigisumik sinerissami TV/Radio-qarfinnut pisisusaatitaaffeqarpa?**
- 2. Tamanna procent-inngorlugu aammalu aningaasanngorlugu isumaqatigiissuteqarpa?**
- 3. Aappi-uppat: Qanoq nalileqarpa?**
- 4. Ukiuni 2019, 2020 aammalu 2021-imi sinerissamiit TV/Radio-nut qanoq aningaasatigut sinerissamiit pisiortortarsimanerit isikkoqarpat?**
- 5. Naalackersuisut ilisimasaqarpat attaveqaatitigut unioqqutitsilluni isiginnaartoqarsinnaaneraniq?**
- 6. Naalackersuisut unioqqutitsilluni isiginnaartoqarsinnaappat qanoq iliuuseqarfiginiarpaat?**
- 7. Naalackersuisut tusagassiuutit pillugit inatsisissamik (medielov) pilersaaruteqarpat?**
- 8. Naalackersuisut tusagassiorfiit nukittorsaaffiginissaat pitsanngorsaaffiginissaallu pillugit sunik pilersaaruteqarpat?**
- 9. Naalackersuisut tusagassiorfiit nukittorsaaffiginissaat pitsanngorsaaffiginissaallu pillugit inatsisitigut tigussaasumik aaqqissuussiviginissaannik siunertalimmik saqqummiussinissamik ukiamut UKA21-imut pilersaaruteqarpat?**

(Inatsisartunut ilaasortaq Erik Jensen, Siumut)

**Tungavilersuut:**

KNR-ip innuttaasunik kiffartuussisumut pisussaaffianut (public service pillugu isumaqatigiissut) tunngatillugu KNR aamma Naalackersuisut akornanni anguniagassat pillugit isumaqatigiissusiortoqarpoq aningaasanut inatsimmi ukiumut 68 mio. missaani naleqartumik. Taasumallu iluani isumaqatigiissummik qanoq sinerissamiit tusagassiiinissamut isumaqatigiissuteqartoqarnerisq paaserusunnarluni.

Taannalu isumaqatigiissut sunik imaqarnerisq aammalu pisussaaffiit suut piunersut paasinissaat pingaartippara, isumaqarama pingaaruteqartoq sinerissami tusagassiorfinnik ingerlatsineq nukittorsarneqarnerusariaqaleqqittoq, illoqarfillu aaliangersimasoq kisiat aallaavigalugu tusagassiuutilerisoqarnerisq qulaajaaffigerusukkakku, aammalu aalajangersimasumiit tusagassioortarnissaq tunngavigalugu. Taamaasiornikkut sinerissami inoqarfinni arlalinniit paasisutissiisarnertit annerusumik atorluarneqarnerullutik minnerunngitsumillu tamat oqartussaaqataaneraniq nukittorsaanerit ingerlanneqarnissaat pingaartikkakku.



Paaserusutama aamma ilagivaat ulluni makkunani attaveqaatitigut pitsanngorsaanerit ingerlatillugit, qulakkiissallutigu ilumut attaveqaatit eqqortumik inatsisillu malillugit ingerlatsinersut qulakkiissallugit. Taamatuttaaq peqquserlullutik tv-kkut aallakaatitsisartut naalakkersuisunit ilisimaneqarnersut paaserusullugu. Minnerunngitsumillu paasissallugu Tele Greenland A/S taamaattoqartarneranik ilisimasaqarnersoq, paasissutisseerusunnorsorlu.

Aammattaaq paaserusunnarmat Naalakkersuisut tusagassiorfiit siammasinnerusumik atorneqarnissaat sulissutigerusunneraat kiisalu tusagassiorfiit pillugit tapeeriaatsit nutarterniarneraat aammalu inatsisitigut suut tigussaasumik sulissutiginiarneraat, qaqagulu taakku saqqummiunneqarniarnissaat ilisimanerorusullugit.

Isumaqaarpunga ukiuni kingullerni tusagassiorfiit partiilersorfiunnguunissaat qulakkeernerusariaqalertoq kiisalu tusagassiorfiit pissaanerup sisamaattut taaneqartarnerata illersorneqarnissaat aammalu tusagasseeriaatsit qaaginnaasiunngitsut, illuanili itisiliinerulluni suliaqartarnissaat pinngitsoorsinnaanngikkipput. Taamaattumik tusagasseeriaatsit tunuliaqqutanik misissuilluarsimasut inuiaqatigiinnilu oqartussaaqataanerup illersorneqarneratigut, pituttugaanatik ingerlatsiviunissaat pingaarutilerujussupput.

Kissaatigaara apeqquteqaatika ullut suliffiusut qulit qaangiutinnagit akineqassasut.